



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎԻ
ԳԼԽԱՎՈՐ ՔԱՐՏՈՒՂԱՐ

Հայաստանի Հանրապետություն, 0010, ք. Երևան, Տիգրան Մեծի 4, հեռ.՝ (+374 60) 830 840, (+374 60) 830 850

Էլ-փոստ՝ info@competition.am, վեբ կայք՝ <http://www.competition.am>

«28» 06 2023 թ.

No 005776

ՖԻԶԻԿԱԿԱՆ ԱՆՁ
ՊԱՐՈՆ ՊԱՎԵԼ ԿՈՐԻՉՆԵՎԻՆ

(հասցե՝ Կիպրոս, Լիմասսոլ, փ. Ավեսսալոմ, շենք 5, բն. 301Բ)

Հարգելի՛ պարոն Կորիչնև,

Կից ուղարկվում է Մրցակցության պաշտպանության հանձնաժողովի 2023 թվականի հունիսի 27-ի ««Թեղուտ» փակ բաժնետիրական ընկերության և ֆիզիկական անձինք Նորիկ Թորգոմի Պետրոսյանի ու Պավել Կորիչնևի վերաբերյալ թիվ ՀԳ-01206/23 վարույթի ժամկետը երկարաձգելու մասին» թիվ 301-Ա որոշման պատճենը:

Առդիր՝ 3 թերթ:

ՀԱՐԳԱՆՔՈՎ՝

ԱՇՈՏ ՎԱՀԱՆՅԱՆ

Համակենտրոնացումների, պետական օժանդակության և
պետական գնումների վերահսկողության բաժին
Կարարող՝ Աննա Կոստանյան
Հեռ.՝ (+374 60) 830 840 (233)



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ

Ո Ր Ո Շ ՈՒ Մ

27 հունիսի 2023 թվականի թիվ 301-Ա

«ԹԵՂՈՒՏ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԵՎ ՖԻԶԻԿԱԿԱՆ ԱՆՁԻՆՔ ՆՈՐԻԿ ԹՈՐԳՈՄԻ ՊԵՏՐՈՍՅԱՆԻ ՈՒ ՊԱՎԵԼ ԿՈՐԻՉՆԵՎԻ ՎԵՐԱԲԵՐՅԱԼ ԹԻՎ ՀԳ-01206/23 ՎԱՐՈՒՅԹԻ ԺԱՄԿԵՏԸ ԵՐԿԱՐԱԶԳԵԼՈՒ ՄԱՍԻՆ

Մրցակցության պաշտպանության հանձնաժողովը (այսուհետ նաև՝ **Հանձնաժողով**), 2023 թվականի հունիսի 27-ի նիստում քննարկելով «Թեղուտ» փակ բաժնետիրական ընկերության (այսուհետ նաև՝ «Թեղուտ» ընկերություն) և ֆիզիկական անձինք Նորիկ Թորգոմի Պետրոսյանի ու Պավել Կորիչնևի վերաբերյալ թիվ ՀԳ-01206/23 վարույթի ժամկետը երկարաձգելու մասին հարցը,

Պ Ա Ր Զ Ե Ց

Հանձնաժողովը 2023 թվականի մարտի 28-ի ««Թեղուտ» փակ բաժնետիրական ընկերության և ֆիզիկական անձինք Նորիկ Թորգոմի Պետրոսյանի ու Պավել Կորիչնևի կողմից տնտեսական մրցակցության բնագավառում իրավախախտումների վերաբերյալ վարույթ հարուցելու մասին» թիվ 136-Ա որոշմամբ հարուցել է վարույթ (այսուհետ նաև՝ **Վարույթ**):

Վարույթը հարուցվել է չհայտարարագրված և արգելված համակենտրոնացման դրսևորմամբ «Տնտեսական մրցակցության պաշտպանության մասին» օրենքի (այսուհետ՝ **Օրենք**) խախտումների հատկանիշներով:

Վարույթի շրջանակներում Հանձնաժողովի նախագահի 2023 թվականի մարտի 29-ի թիվ ՄՊՀ-002726/28-03-2023 գրությամբ ֆիզիկական անձ Նորիկ Թորգոմի Պետրոսյանից պահանջվել է Հանձնաժողով ներկայացնել հետևյալ տեղեկատվությունը.

- 2019 թվականի դեկտեմբերի 20-ին Նորիկ Թորգոմի Պետրոսյանի «Թեղուտ» ընկերության 25,05 տոկոս անուղղակի սեփականատեր դառնալու հիմքերը, փայաբաժնի ձեռքբերման պայմանագրի պատճենը,

- այն ընկերությունների մասին տեղեկություններ (անվանումը, գրանցման տվյալները, փաստացի գործունեության ոլորտները, գործունեության մանրամասն նկարագրերը), որտեղ Նորիկ Թորգոմի Պետրոսյանը կամ իր հետ Օրենքի 4-րդ հոդվածով անձանց խումբ հանդիսացող ֆիզիկական անձինք որևէ ձևաչափով ունեն փոխկապվածություն կամ վերահսկողություն, ուղղակի կամ անուղղակի մասնակցություն՝ կցելով համապատասխան փաստաթղթերը:

Հանձնաժողովի նախագահի 2023 թվականի մարտի 29-ի ՄՊՀ-002725/28-03-2023 գրությամբ ֆիզիկական անձ Պավել Կորիչնևից պահանջվել է Հանձնաժողով ներկայացնել հետևյալ տեղեկատվությունը.

- 2020 թվականի փետրվարի 17-ին Պավել Կորիչնևի «Թեղուտ» փակ բաժնետիրական ընկերության 25,00 տոկոս անուղղակի սեփականատեր դառնալու հիմքերը, փայաբաժնի ձեռքբերման պայմանագրի պատճենը,

- այն ընկերությունների մասին տեղեկություններ (անվանումը, գրանցման տվյալները, փաստացի գործունեության ոլորտները, գործունեության մանրամասն նկարագրերը), որտեղ Պավել Կորիչնևը կամ իր հետ Օրենքի 4-րդ հոդվածով անձանց խումբ հանդիսացող ֆիզիկական անձինք որևէ ձևաչափով ունեն փոխկապվածություն կամ վերահսկողություն, ուղղակի կամ անուղղակի մասնակցություն՝ կցելով համապատասխան փաստաթղթերը:

Հանձնաժողովի նախագահի 2023 թվականի մարտի 29-ի թիվ ՄՊՀ-002726/28-03-2023 գրությունը հետ է վերադարձվել Հանձնաժողով 2023 թվականի ապրիլի 3-ին: Նշված գրությունը 2023 թվականի ապրիլի 11-ին հրապարակվել է <https://www.azdarar.am> կայքում և Հանձնաժողովի պաշտոնական կայքում՝ ապահովելով Օրենքին համապատասխան գրությունը հասցեատիրոջը պատշաճ հանձնելու կարգը:

Հանձնաժողովի նախագահի 2023 թվականի մարտի 29-ի ՄՊՀ-002725/28-03-2023 գրությունը Պավել Կորիչնևի կողմից ստանալու վերաբերյալ տեղեկություններ Հանձնաժողովում դեռևս առկա չեն:

Վարույթի շրջանակներում Հանձնաժողովին հասանելի է դարձել նաև տեղեկություն, որ Նորիկ Թորգոմի Պետրոսյանի էլեկտրոնային հասցեն է norik.t.petrosyan@gmail.com, ուստի Հանձնաժողովի նախագահի 2023 թվականի մարտի 29-ի թիվ ՄՊՀ-002726/28-03-2023 գրությունը 2023 թվականի հունիսի 8-ին ուղարկվել է նաև վերը նշված էլեկտրոնային հասցեով:

Այսպես, ֆիզիկական անձինք Նորիկ Թորգոմի Պետրոսյանի ու Պավել Կորիչնևի կողմից «Թեղուտ» ընկերության համապատասխանաբար 25,05 տոկոս և 25,00 տոկոս անուղղակի մասնակից դառնալու վերաբերյալ գործարքներին առնչվող տեղեկատվության ստացման, դրանք գործի փաստական հանգամանքերի հետ համադրելու, անհրաժեշտության դեպքում այլ տեղեկատվություն ձեռք բերելու և այլ գործողություններ իրականացնելու հաշվառմամբ՝ Հանձնաժողովը գտնում է, որ գործի բազմակողմանի, լրիվ և օբյեկտիվ քննությունն իրականացնելու նպատակով վարույթի

իրականացման՝ Օրենքով սահմանված եռամսյա ժամկետը բավարար չէ, ուստի առաջացել է Վարույթի ժամկետը երկարաձգելու անհրաժեշտություն:

Հիմք ընդունելով վերոգրյալը և ղեկավարվելով Օրենքի 63-րդ հոդվածի 1-ին մասով, 38-րդ հոդվածի 2-րդ մասով, 42-րդ հոդվածի 2-րդ մասով՝ Հանձնաժողովը

Ո Ր Ո Շ Ե Ց

1. 2023 թվականի հունիսի 28-ից եռամսյա ժամկետով երկարաձգել «Թեղուտ» փակ բաժնետիրական ընկերության և ֆիզիկական անձինք Նորիկ Թորգոմի Պետրոսյանի ու Պավել Կորիչնևի վերաբերյալ թիվ ՀԳ-01206/23 վարույթի ժամկետը:

2. Սույն որոշումն ուժի մեջ է մտնում ընդունման պահից:

ՆԱԽԱԳԱՀ

2023 թ. հունիսի 27
Երևան



Գ. ԳԵՎՈՐԳՅԱՆ

